



Universitätsbibliothek Paderborn

**Floremundi Raemundi V. Cl. Olim Consiliarii Regis
Galliarvm Ex Calviniano Catholici Synopsis Omnia hujus
temporis Controversiarum tam inter Lutheranos,
Calvinistas quam alios plurimos. Sive Historia ...**

**Raemond, Florimond de
Coloniae Agrippinae, 1655**

III. Adriani & Clementis summorum Pontificum in exstinguendo schismate
cura.

urn:nbn:de:hbz:466:1-10880

titudo, ut in sola Aegypto ac Thebaide ter mille numerati sint. (i) Hunericus vero rex Arrianus simul ac semel quater milie nongentos septuaginta sex in deserta loca omni humano auxilio destitutos relegauit. Non minor in eodem fuit Gothorum, Hunnorum & Vandalarum crudelitas. Impius ille & nefandus Imperator ne nominari quidem dignus, per ludum & iocum quadraginta duobus Religiosis nates desecari, deinde barbam & capillos pice oblini, ac tandem corpora eorum in cibano assari iussit. Nonnulla eo tempore scripta existat historia, quæ non Religiosorum sanguine rubeat, id est, quæ non innumeræ eorum cædes & supplicia proditæ sint, ut videre est apud Paulum Diaconum, Victorem Vicensem, Sidonium, Apolinarem, Nicephorom, Zonaram, Glycam & alios. Sed historiam nostram persequamur.

II. Persuaserat sibi Imperator Edicto illo VVormatis si non Lutherum tantum, sed hæresim quoque eiusè Germania proscriptam ac profligatam, vel certe cursum eius ita esse impeditum, ut magnos progressus facere non posset. Sed Lutherus qui tempori paullulum cesserat, ubi ab exilio reuersus, nomen suum multo maiori in honore quam vñquam sperauerat, haberi intellexit: minimum in modum ad captam telam pertexendam fuit animatus. Usus est Lutherus delicatis ad Dominos terrarum decipiendois bolis, nempe Bonis Ecclesiasticis expositis eorum cupiditatibus. Nec mora, amplectuntur caussam eius Saxonæ Dux & alij. Principes ac domini: subque noui prætextu Evangelij, nescio quam nouam libertatem sibi vindicant, bona Ecclesiastica passim inuolant, & in profanos usus conuentunt. Et sicut olim crudelis ille Valens Imperator publico Edicto omnes Religiosos monasterijs excedere, (k) & vel castra, vel quodcumque aliud vitæ genus sequi recusantes, gladio feriti iussit: sic Lutherani quidam Principes non solum Monachos monasterijs expulerunt, verum etiam ipsa monasteria funditus uerterunt, ut spem omnem restitutiois eis præciderent. Ossis interim, quod ut medullam exsugerent ipsi frigerant, particulam aliquam nouis pastoribus & pauperibus obijcentes. In summa, in bona illi Ecclesiastica supremum ius sibi vindicabant; sub prætextu ea se inter pauperes & Scholarum ac Ecclesiistarum ministros distributuros, de Lutheri consilio, qui librum De Fisco edidit, in quo uniuersum Mundum hortatur, ut omnibus machinis monasteria tantum, sed etiam universam Ecclesiam

euertant. Illos, in libro quem scripsit contra statum Ecclesiasticum, veros Dei appellat filios, qui omnes suas vires ad Episcoporum subuertendum imperium, conferunt. Mirum non est quod multi noua huic Ecclesiæ nomina dederint, ut prædæ, veteri illi Ecclesiæ detraheantur, fierent participes. Sic falco Vinciendum se aut cupi præbet, ut cibum consequatur: & bestiæ etiam maxime feræ facile circuantur abijs qui partem præda in venatione capræ ipsis obiciunt. Suavis hic & delicatus bonorum Ecclesiasticorum bolus magnam hominum, præferrim laicorum multitudinem ad Lutheri partes attraxit: nec vero paucos Ecclesiasticos permitti matrimonij ille cebræ, ut quod hæc nos cum ipsorum dignitatibus & redditibus incompatible; ut loquuntur, creditum fuerat, iam facile eisdem adiunxerunt. Apud Lutheranos enim Episcopus etiamsi vxorem duxerit, manet nihilominus Episcopus: & qui Abbas fuerit, etiam maritus, Abbas manet. Valde enim ipsis placet mitra capitii imposta, & femina simul lateri addita: ut ita Plutone dignus concinnetur ornatus. Hinc innumerabiles existent confusiones; dum aliorum modestia cum immoderatis aliorum cupiditatibus certat.

III. Interea Pontifice Leone moreuo, Adrianus Papa qui ei successit, modis omoibus schismati quo Christiana Republica plurimum affligebatur, remedium afferre conatus est: sed immatura morte subtractus, & ad cœlum euocatus, quod instituerat per hunc non potuit. Optimus hic Pontifex dicere solebat, *Magnam dignitatem, magnam esse seruitutem.* In huius locum surrogatus Clemens VII. in extinguendo quo Germania conflagrabat incendio, & restituenda pace Ecclesiæ, æque ac gentilis suus Leo frustra laboravit. Omnis spes enim in Concilio erat posita: cuius ipso Pontifice cogendi nulla fuit facultas. Principibus de priuato rerum suatum statu & imperio omni viuenter se contendebus. Eadem nihilominus quæ prædecessores sui suscepserantur; Legatos in Germaniam misit, qui cum Principibus Lutheranis agerent, sed optimi Pontificis conatus Lutheri feritatem tanto magis accendit. Intelligebat quippe facile, alijs armis sibi quam scriptura opus esse. Namis enim debilis erat calamus ad id quod animo conceperat perficiendum; iamque longius prospererat hæresis & ex ea data seditio, quam ut

tam
i Cassi lib. 7. cap. 39. August. cont. Petri. cap. 40. k. 5.
Hier. in Chron.



ram debilibus instrumentis solum sustentari possebat. Ad manus venientum erat, & gladius lateri accingendus, ut nouum ipsius fulciatur Euangelium, & in primis Euangelica illa Libertate animos Principum alliciendos sibi atque inescandos pugabat. Lutherus igitur omnia turbare intentus, tantum effecit ut Principes ad religionis mutationem propendentes Norimbergæ conuentum egrent, vel Senatum Imperij istuc à Cæsare absente constitutum corruerint potius, ut de religionis causa aliquid sine Cæsare cognosceretur, & VVormatiense decretum quo Lutherus eiusque causa condemnata fuerat, aboleretur. Imperator tamen qui tum in Hispania erat, hæc ad auctoritas suæ præiudicium pertinere interpretatus, postea Edictum vetuit, ne in religione quidquam mutaretur, sed re integra ad Concilium usque, de quo multus erat sermo, dilata, VVormatiense interea decretum obseruaretur.

IV. Is cum erat rerum in Christiana Republica status, qui Lutheri promouendis conatibus maxime inseruiebat. Plerique enim Principes contentio ac bello, quod tum inter Hispaniæ & Galliæ reges gereretur, illigari erant. Franciscus Galliæ rex, captio Mediolano, toti Italiae metu incoauerat. Solimanus profligato Hungarorum exercitu, eorumque rege cæso, Germaniæ finibus imminebat. His tot tantisque difficultibus impediti, & prius longinquis & transmarinis expeditionibus sepe distanti, Imperator & frater Ferdinandus, foris Turcis assidentibus, intus Gallis vim facientibus, ac Lutheranis minantibus, vix villas consilia sua explicaditiones inueniebant. O quanti constas mundana dignitas! Ecce tibi supremus Ecclesiæ præfus, qui nec utrisque æquum & neutrum quasi se exhibere, nec auctoritate sua dissidētes in concordiam redigere poterat, momento & se & urbem rerum dominam & caput Imperij captam, & exteræ gentis potestati ac libidini subiectam vidit, ductu Caroli Borbonij, qui in ipsa oppugnatione bombardæ ita percutitus, nullum aliud ex capta urbe trophaeum retulit, quam æternum dedecus, quod & Ecclesiæ simul & Regi suo arma inferre sit ausus. Tam ante, quam post hanc urbem cladem plura acciderunt memoratu digna. Paullo ante homo quidam ignorans, prouectæ ætatis, ex agro Senensi, squalida lacerna induitus per urbem plateas curvantur, magna voce omnes hortatus fuerat, ut vitam emendant, pœnitentiamque agerent: alioquin enim foret grauissimas propediumpœnas luant. Nec un-

quam ille, quamvis à multis increpatus, clamare eademque verba ingeminare cessabat; ad exemplum Cassandrae, aut eius qui Hierosolymitanis simili clamore exitium prædixisse fertur: immo quanto magis prohibebatur, tanto magis clamabat, ut intra quatuor muros cum concludi necesse fuisset, è qua custodia ab illis ipsis quorum aduentum prædixerat, fuit liberatus. Quibus ille dixisse fertur: *Vos virga estis & flagellum quo Deus populum* huic impœnitentem castigat, & ad voluntatem suam implendam virtutem: at ubi virga hac satis vñs fuerit, eam in ignem cōjicit, & ipsos castigatores castigabit. Cui vaticinio in utrisque exitus fidem fecit: Omnes enim sacrilegi paullo post miserabili morte perierunt, magna parte morbo contagioso absunti, reliqui vero ab ijsquos vicerant, ac deprendati fuerant, sublati. (l) Lutheranus quidam, historiam hanc captæ urbis, in qua nullum nō sceleris, agitij ac sacrilegij genus perpetratum fuit, describens, affirmat, militem quendam generosum dixisse, voto se Lutheroprophetæ suo obstrictum, frustum de corpore Papæ sese deuoraturum; & quidem nihil se magis cupere quam votum hoc implere. Ait idem, milites e Pontificio sacello stabulū equorum fecisse; tum Lutherum, quem Ecclesiasticis vestibus atq; ornamenti indutus, miles quidam gregarius (*ein Landesknecht*) repræsentabat, per ludibrium Papam creasse, omnibus manus in altum tollentibus atq; acclamantibus: *Lutherus Papa, Lutherus Papa*. Sed ad hunc ipsum nouum Pontificem absentem coronatum redeamus. Quemadmodum araneæ non sereno sed pluviioso atque obscurō cœlo telas suas contexunt atque explicant: sic Lutherus in tantis turbis ac nouis dissensionibus consilia sua ita moderabatur, ut Euangelicæ illius Libertatis, quam velut vñalem proposuerat, cassibus multos Principes irretiret, & ad fædus cum Saxonij Duce de Lutherana propugnanda doctrina ferendum, permoueret. Ex his præcipui erant Georgius Marchio Brandenburgicus, Ernestus Dux Luneburgensis, Princeps Anhaldisus, & Philippus Hassiæ Langraiuius: quorum hic magnas patriæ suæ artulit calamitates. Est vero Landgravius apud Germanos dignitatis nomen, significans Provincialem Comitem. Horum quatuor sunt in Imperio, nempe Thuringiæ, Alsaciæ, Leuchtembergæ, & Hassiæ: quorum huius magna est potentia, imperiū Franconij finitimus. Erat vero istū magni

Dd 2 animi

I. Vid. Cochl. de Act. Luth. Pont. lib. 2. rer. mem.